



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

4 Quid sit vindicatio, & cuius virtutis opus.

[urn:nbn:de:hbz:466:1-72459](#)

*Formalis
ingratitu-
do.*

pietate, in obseruancia, & similibus vitiis, in quibus contra virtutem oppositam peccati ex contemptu & alio fine contingit, locum habet.

Formalis ingratitudo est, quando beneficium, vel benefactoris animus contemnitur, vt non videaris ei obnoxius, seu debitor ratione beneficij: sicut formalis inobedientia est, quando contemnitur praeceptum, vel potestas Superioris; vt ei non videaris subesse, aut non parcas. hoc modo ingrati sunt, qui beneficium, vel affectum benefactoris eleuant, aut sinistrè interpretantur, ne videantur ei aliquid debere, aut ne cogantur esse gratiagendo gratias; aut ne impedianter à malo ei rependendo. Iuxta hanc intellige quod habet D. Thomas art. 2. ad 1. & Caietano ibidem, & in Summa v. Ingratitudo: non enim satis explicant in quo hanc ingratitudo consistat.

*Potest esse
veniale
aliunde.*

16 *Hac* ingratitudo ex genere suo est peccatum mortale, vt docet D. Thomas art. 3. cum Caietano suprà: contemptus enim benevoli affectus benefactoris, & sinistra interpretatio beneficij non videtur minus peccarum, quam iudicium temerarium, cùm tale iudicium inuoluatur: iudicari enim affectum esse simulatum, vel alio quam beneficio animo rem dari. hoc autem iudicium ex genere suo est peccatum mortale, vt constat ex communione D. sententia; de quo suprà cap. 29. dubit. 2. Accedit, quod homines longè magis offendunt huiusmodi contemptu, quam iudicicio temerario; vnde magis laedit charitatem. potest tamen esse veniale, vel ob imperfectum conuenientem, vt quando ex repente cholera mori accidit; vel ob materia exiguitatem, vt si beneficium sit paruum; contemptus enim parui beneficij non censetur notabilis iniuria benefactoris, modò absit scandalum. si enim ita fieret vt benefactor grauerit offenderetur, posset esse peccatum mortale. Adde, quod varij sint gradus contemptus: contemnitur enim aliquid tamquam noxiū, aliud vt vile & dignum probro, aliud tamquam minus vtile vel dignum quam exteriū videatur, vel gradus eius requirat. In omni autem contemptu est iudicium, quo res vel persona iudicatur talis, & voluntas tractandi illam exteriū vel interiū pro tali. Itaque si contemptus non sit grauius, sed leuis; vt si beneficium aliquod temporale & affectum benefactoris reputes minoris momenti, ne illi videaris obnoxius, non erit peccatum mortale; modò occasionem grauius offendens ipsi non praebas:

Materialis ingratitudo est, quando abque contempsu, vel omittitur debitum gratitudinis officium, vel committitur aliquid contra benefactorem. colligitur ex D. Thoma art. 3. & Caietano ibidem. Officium autem gratitudinis est quintuplices, vt suprà num. 3. & 6. dictum est. D. Thomas art. 2. reducit ad tria. Primum est. Beneficium agnoscere. Secundum, Laudare, & gratias agere. Tertium, Retribuere loco & tempore, pro sua facultate. Itaque tripliciter officium gratitudinis prætermittitur: & quia id, quod est ultimum in generatione, est primum in resolutione, idèo (inquit D. Thomas) Primus gradus ingratitudinis est, Beneficium non retribuere. Secundus, Diffimulare, non agendo gratias. Tertius, Nolle agnoscere. Circa qua

*Tripli-
citer
officium
grati-
tudinis
præter-
mit-
tur.*

17 *Aduerte*, non retribuere beneficium, non esse peccatum, nisi quando benefactor est in necessitate, & tu illi opem ferre potes; vel quando ex omis-

sione putatur iure offendendus. beneficium enim cùm gratis collatum sit, non inducit strictam obligationem, nisi quando benefactor egat opera nostra, vel id necessarium est ad vitandam eius offendit. vnde non erit peccatum mortiferum, nisi quando charitas sub peccato mortaliter ad tale officium obligaret. In gratiarum actione omitienda faciliter peccatur; quia hanc omnibus est facilis, & statim fieri debet. seposita tamen offendit benefactoris, non videtur hanc omissione esse peccatum mortale; quia nihil inde notabilis incommodi percipit. Loquor de ea, quæ facienda homini, non Deo, est enim gratiarum actio cultus quidam Deo ob immensitatem beneficiorum eius debitus, quamvis tempus reddendi non sit determinatum; vnde de ea loquendum sicut de obligatione dilectionis super omnia.

19 *Nolle agnoscere* beneficium hominis priuati (de quo nobis est sermo) non videtur quoque per se mortale: quia parum incommodi adserit benefactori, seposita ipsius offendit. posset tamen ratione grauius offendit & turbationis, quæ inde prouentura putaretur, esse graue peccatum.

Porro ad supradictos tres gradus ingratitudinis, quæ in omitendo constitunt, addendi tres alii, qui in committendo. Itaque Quartus est, Retribuere mala pro bonis. Quintus, Vituperare beneficium. Sextus, Reputare beneficium loco maleficij; qui est summus ingratitudinis gradus. hi ramen gradus, præsertim secundus & tertius, pertinent ad ingratitudinem formalem.

Ex dictis facile intelligi potest, qui sint gradus ingratitudinis erga Deum.

Primus enim est, Non conati obsequio & cultu diuina beneficia pro suo modulo compensare.

20 *Sex grā-
dus ingra-
titudinis in
Deum.*

Secundus, Raro vel numquam gratias agere. Tertius, Raro vel numquam de diuinis beneficiis cogitare.

Quartus est, Malum pro bono reddere. Ad hunc gradum pertinet omne peccatum. vnde omne peccatum est ingratitudo in Deum, sicut & inobedientia: repugnat enim obligationi illi, quæ ratione beneficiorum acceptorum ipsi obstringimur, ad ea cauenda, quæ ipsum offendunt.

Quintus est, Extenuare, negare vel vituperare beneficia Dei, huc pertinet, si neges beneficium redēptionis Christi & gratiæ necessitatem. quæ ratione Pelagiāni à sanctis Patribus vocabantur ingratitudo; contra quos D. Prosper scripsit opusculum Aduersus ingratitudo.

Sextus, Illa loco maleficij & stimare: quod faciunt dannati; & etiam quidam impij huius saeculi, qui non reputant loco beneficij, sed potius maleficij, quod Deus non sinit ipsos perpetuō hoc mundo frui.

DUBITATIO IV.

Quid sit vindicatio, & cuius virtutis opus.

D. Thom. quest. 108.

V Indicatio, Græcè ἐδίκησις, est ictio iniuria, 21 videlicet cùm pro iniuria rependitur pœna. Itaque est redditio mali pro malo; mali pœnalis pro malo culpabili. Latius accipitur apud D. Augustinum lib. 8. qq. q. 31. cùm definitur vindictatio. M m

Vindicta ob catio, per quam vis aut iniuria, & omnino omne quod varias causas obtuturum est, defendendo aut viciendo proprias irrogari potest.

Primo, Ea intentione, ut ei, qui te laesit, male sit, nihil aliud spectando. illi enim male esse, apprehendis tamquam tuum bonum. hoc modo est actus odij, & contra charitatem proximi.

Secundo, Ut emendetur; quo modo pater vindicat delicta filii, & magister discipuli. hoc modo est actus charitatis proximi; que charitas (ut inquit D. Bernardus epist. 2.) pie solet seire, sine dolo mulcere, patienter non nisi irasci, humiliter indignari, & Proverb. 3. *Quem diligit Dominus, corripit.*

Paena con-
gruit male-
factori.

Tertio fieri potest, quia per se decens est malefactorum puniri; & pena per se congruit & quodammodo debita est malefactori, sicut laus benefactori; idque ut rectus ordo serueretur, & quod extra ordinem recti prolapsum est, ad ordinem reuocetur. hac ratione est actus virtutis specialis; quia rationem speciale honesti respicit. Sic Deus per vindictam omnes eos, qui ab ordine pulcherrimo Iustitiae & legum diuinatum prolapsi sunt, & ordinatissimam dispositionem fidei perturbant, ad ordinem Iustitiae reduceret, infligendo congruam penam; ut nihil in mundo remaneat informe, nihil inordinatum, nihil confusum, sed omnia pulchre suis locis & gradibus sint disposita, ut sapientia docet D. Augustinus. vide illum lib. 5. de ciuit. cap. 9. & lib. 11. cap. 17. & 18. & lib. 1. de ordine, multis locis.

Reparatio
iniuria.

Quarto, Ut fiat aliqua reparatio iniuria, & satisfactio: dum enim ille punitur propter iniuriam illatam, restituitur ex parte honor parti laesa, eique aliqua satisfactio exhibetur; qui enim laedit, plus iusto suo affectui indulget, sibiique sumit, & alteri detrahit: dum autem punitur, illud ei quodammodo admittitur, cum contra voluntatem patiatur. Et quia id agitur in gratiam laesi, censetur ei donari: & sic fit nonnulla compensatio, ut experientia probat, tunc enim animus laesi acquiescit, & sibi satisfactum putat. est igitur in vindicatione moralis quedam restitutio honoris, & iniuria reparatio. hic finis intime coniunctus est cum tertio, & ex eo necessario refutatur.

Quinto, Ut qui laesit, & alij eius exemplo, in posterum ab iniuria coercentur. hic finis est magis extrinsecus: unde post hanc vitam non amplius spectabitur, sed solum tertius & quartus. In hac tamen vita spectatur tum à Deo, tum à Iudice humano, sicut tertius & quartus.

22 Quomodo
sit virtus
specialis.

Igitur *vindictio* facta intuitu tertij & quarti finis, videtur esse specialis virtus, qua inclinamus ad reddendum malefactori penam debitam pro iniuria; sicut gratitudine ad reddendum benefactori obsequium debitum pro beneficio: hoc autem debitum in quadam congruitate & decentia consistit. Si autem fiat intuitu quinti finis, scilicet ut coercentur à maleficio, sic est actus eius virtutis, ad quam pertinet defensio Reipub. vel priuati, vel suipius. est enim haec *vindictio* quedam defensio. Itaque sicut haec defensio pertinet ad Iustitiam legalem, ad pietatem, ad amorem Reipub. vel hominis priuati, vel suipius; ita etiam vindictio.

23 Ut autem haec melius percipientur, Notandum est, *vindicationem*, ut sit actus virtutis, con-

uenienti modo fieri debere. si enim fiat priuata *Debet fieri* auctoritate, non est actus virtutis, sed viti; quia est usuratio alienae potestatis, nempe Superioris, *auctoritate non priuata* *ta, sed priuata* *blica,* ad quem solum executio huius actus pertinet: vnde illa multis locis in Scripturis prohibetur. Ad Romanos 12. *Non vosmetipso defendentes* (Græcè *ενδικάρετε*, id est, viciientes) *charissimi sed date locum ire: scriptum est enim, Mibi vindictam, & ego retribuam, &c.*

Permituntur tamen paucim in Repub. priuata *Parva & vi-* *dita & per-* *missa.* accepta iniuria: hoc enim aliquo modo putatur necessarium ad publicam pacem, ut quisque à minoribus iniuriis, que ad tribunalia non solent deferri, tutus sit. Hoc modo quidam Doctores cum, qui percunt alterum alapa, pugno vel baculo, dicunt statim posse reperiunt, ne alter audacior in posterum ad similia euadat; esse enim hoc genus quoddam defensionis. Sed de hoc dictum suprad cap. 9. dubit. 12.

Eo autem deposito, priuatus non potest per se 24 actum vindictare facere, sed solum curare fieri per *A publica* publicam potestatem. Ut autem fit à publica potestate testate, potest pertinere ad varias virtutes. Si enim *ex varia* *virtute,* Index vindictam faciat, quia id debet Reipub. ratione officij quod gerit, erit actus Iustitiae communitatiæ, iudicis in ordine ad Rempub. quæ illum ad Ius administrandum veluti conductus: si autem quia id debet Reipub. ratione obligationis, quam habet erga illam ut pars ad totum, quatenus pars debet curare bonum totius, sic est actus Iustitiae legalis: si quia debitum patriæ, est actus pietatis: si quia leges præscribunt, est actus obedientiæ: si quia pars postular, est actus Iustitiae communitatiæ respectu partis. Porro in ordine ad malefactorem erit actus virtutis particularis, quæ *iustitia vindicativa* dicitur. Si iudex faciat illam quia congruit eius meritis, aut ut fiat aliqua reparatio iniuria, ob eundem finem pars laesa illam desiderare potest; eritque eiusdem virtutis actus.

Dices, Desiderare vindictam ut reparetur iniuria, videtur esse actus odij, quia desideras alteri malum, ut illi sit male, & hoc repuras tuum bonum; quod proprium est odij.

Respondeo, *Essē* magnum discrimen: in odio enim desideratur alteri malum, solum ut ei sit *Cur non sit* *actus odij.* mensura: in vindicta solum secundum mensuram delicti. ibi si sit in malo proximi; hic in recto ordine Iustitiae. ibi non fit reparatio iniuria eo modo quo debet fieri; sicut nec in damno, cum quis propria auctoritate latronis bona inuadens, damnum acceptum sibi sarcit; hic vero fit debito modo.

Aduerte tamen, quando pars laesa expedit vindictam ob iniuriam priuatam, hoc desiderium esse *Appetitio vindictæ ex quo affidit procedere.* actum amoris proprii: id enim petit in proprium commodum vel honorem. Itaque cum hoc desiderium non sit actus virtutis, sed quid indifferens, vindictio, ut ex vi huius sequitur, non est actus virtutis, sed indifferens. huic tamen desiderio coniungitur aliud, quo quis non vult vindictam mandari executioni, nisi legitimo modo, scilicet per potestatem publicam, & iuxta mensuram delicti: & hic affectus est Iustitiae vindictatiæ; & consequenter ipsa vindictio, ut ex vi huius sequitur: proprium enim opus Iustitiae vindictricis est non vindicta absoluere, sed debitus in vindicta modus. Simili modo cum quis petit solutionem debiti, vel

*Quo modo
vindicatio
fit ad eus
virtutis.*
vel damni reparationem, illud desiderium est ex affectu proprii commodi, & sic non est actus virtutis, sed quid adiaphorum: huic tamen coniunctus est aliud affectus, quo non vult illam reparationem fieri, nisi secundum regulas Iustitiae, & hic est actus Iustitiae. Id enim quod volumus affectu proprii commodi, possumus ex affectu Iustitiae vel alterius virtutis velle exequi secundum leges illius virtutis; & sic executione operis quoad modum est actus virtutis, quoad substantiam praeceps consideratum, non est.

*Melius ig-
nores pri-
vatas innu-
rias.*
*Aliquando
vindicta
expetenda.*
Ex dictis sequitur, multo melius esse propter Deum ignorare, quam vindictam expetere; nisi forte publicum bonum aliud postulet, ratio est, quia appetitus vindicta ob iniuriam priuatam, per se non est virtus. cum ex amore proprii commodi oriatur; vnde nemo propter hoc laudari solet. Ille autem affectus circa modum executionis, etiam si sit actus virtutis, tamen haec virtus est valde parva, multum habens adiumentum ex amore proprio, a quo & ipsa applicatur ad moderandum actum punitionis, est hic etiam periculum ne & affectus charitatis violetur, & odia excitantur. Denique res non est optimi exempli. In condonatione est officium charitatis in Deum & proximum, est imitatio Christi Domini & Patris caelestis, est consilium euangelicum, est auxilio proximi, est Victoria sui, est magna pax animi & tranquillitas vitae, est singularis fiducia impetranda remissionis a Deo: remissio enim peccatorum ijs, qui proximis iniurias remittunt, peculiariter promissa est. Denique saepè est lucrum animæ malefactoris. Interdum tamen ratio postulat ut malefactor vindi-
ctam, ut diximus; tum ut malefactor in posterum coereatur, tum ad exemplum aliorum, ne similia audeant attentare, hoc tamen magis in iniurias Dei, quam nostris faciendum. Interdum tamen etiam in nostris, ita tamen ut pena, quam petimus irrogari, minor sit iniuria accepta. vide epistolam D. Basili ad Candidianum.

*Vitia oppo-
sita.*
28 *Vindicationi* per excessum opponitur crudeli-
tas: per defectum omissione, vel nimia remissio in malefactoribus castigandis, ex qua fit ut eorum audacia crescat.

D V B I T A T I O V.

Quid sit veritas, & que eius functiones.

D. Thomas quest. 109.

*Veritas
duplex.*
29 *V*eritas propriè est conformitas iudicij ad rem indicatam, vel signi ad rem significata-
m: sed hoc loco accipitur pro virtute, quæ pro-
curat ut in sermone, scriptura, gestibus, aliisque signis, quibus aliquid significare intendimus, sit veritas, saltem secundum nostram conscientiam, seu prout eam nouimus: sive quæ curat ut sit con-
formitas & consensio lingue & mentis, signorum exterorum & internæ conscientie: vnde haec vir-
tus dicitur *veritas*, quia veritatem in signis, quibus aliquid significare volumus, affectat & procurat. facit itaque nos recte ut signis, quæ nobis data sunt ad mentem alteri patetaciendam; qui rectus vpus in eo confitit, ut ligna sint menti conformia.

*Etsi virtus
specialis.*
30 Ex quibus patet Primo, Veritatem esse virtu-
tem specialem a ceteris distinetam; quia speciale
bonum rationis spectat, videlicet veritatem in di-

ctis & factis; & specialis laus est in oratione & vi-
ta colere veritatem.

Pater Secundo, Esse virtutem annexam Iusti-
tiae: tum quia vertatur circa ea quæ diriguntur ad alterum; nimis circa signa quibus aliquid alteri intendimus significare: (signa enim non sunt data homini propter se, sed propter alterum, cui aliter mentem suam aperire nequit) tum quia spe-
ctat in his rationem debiti, non legalis seu stricti,
sed moralis.

*Objec-
tum* 31
igitur materiae huius virtutis est, si-
gna externa, quibus mentem nostram patefacimus
proximo. *Ratio objec-
tua* est, esse verum, seu con-
forme menti, quatenus id quodammodo debi-
tum proximo. *debitum*, inquam, non ex parte
ipsius, sicut benefactori debetur compensatio; sed
ex parte nostra, ne nos turpes simus, & parum ad
vitam ciuilium idonei, nam Primò per se turpe est,
linguam à mente disfidere, & cum ea veluti pu-
gnare. Deinde sine veritate vita socialis non bene
& comodè constare potest. Itaque hoc debitum
est solum morale, & ex honestate virtutis proue-
niens, quod intellige de debito veritatis per se con-
sideratae, seposito omni alio vinculo: nam in con-
tractibus debetur ex iustitia, in iure iurando ex le-
ge religionis.

*Objec-
tum cui*, est proximus, huic enim debetur
haec veritas; quia talis est, qui cum conuersatio &
amicitia haberet possit.

*Functio-
nes* 32
huius virtutis: hic est primus & intrin-
secus actus huius virtutis: nam ipsa essentialiter veritatis.
in habituali amore veritatis consistit.

Secundo, Cautione quid contra iudicium men-
tis dicatur, aut significetur: ad hoc autem obligat
lex huius virtutis pro omni tempore.

Tertio, Patefacere iudicium mentis, ad hoc non
obligat pro quoquis tempore: nam saepè expedic-
mentem non aperire, sed tegere; & multis aliis cir-
cumstantiis opus est ut patefacere mentem sit
opus virtutis: vnde melius diceretur opus huius
virtutis esse, quando mens patefacta est, pro-
curare ut oratio menti sit conformis, hoc enim est
quod haec virtus spectat tamquam proprium bo-
num in debita materia, materia autem debita non
est, nisi ad hanc circumstantiam, quæ efficiant ut mens
honestè aliis patefieri possit.

Quarto, Inquirere veritatem rei, quando ali-
quid absolute affirmandum vel negandum est, qui
enim affirmat vel negat aliquid, cuius est nescius
vel dubius, non est verax, quia dicta non sunt con-
formia menti, alter enim loquitur, aliter sentit.
Deinde quia omnis virtus, ut praesert opus suum,
debet adhibere conuenientem circumspicionem &
diligentiam, ne offendat.

Quintò, Exequi promissa: hoc enim necessa-
rium ut promissio sit vera, quamvis ad hoc magis
ex virtute fidei obligemur. quam esse distinetam
à virtute veritatis, suprà cap. 18. dub. 8. ostendit
est, haec tamen intelligenda, nisi quid accidat quod
excusat, ut ibidem dictum est: promissio enim
multis eventis non est praestanda.